



DEPARTMENT OF  
ENVIRONMENT AND  
NATURAL RESOURCES

ESPESYAL NA UTOS)  
BILANG 1186 :  
TAON NG 1991 )

DEC 13 1991

PAKSA : Ang Paghirang sa Lider-Kababaihan bilang  
"Deputized Natural Resources and Environment  
Officer" ng Kagawaran ng Kapaligiran at Likas na  
Kayamanan .

Alinsunod sa pinairal na Pampangulong Kautusan bilang  
(P.D.) 704, 704, at 1181, kasama ng mga nabagong bahagi  
nito, ang lider-kababaihan ng **Mandiga Obbo Community Center  
Inc. (MOCCI), Women Action Network for Development, Tabuk,  
Kalinga** na si **MARY A. FOY-OS** ay hinihirang bilang  
"Deputized Environment and Natural Resources Officer."

Sa pamamagitan ng paghirang na ito, si **MARY A. FOY-OS** ay  
binibigyan ng mga sumusunod na kapangyarihan na maaari niyang  
isagawa sa loob ng kanyang nasasakupan:

1. Magsiyasat ukol sa mga bagay-bagay na may kaugnayan sa  
mga paglabag sa mga batas/alituntunin na pinairal ng  
Kagawaran ng Kalikasan at Likas na Kayamanan sa larangan  
ng pangangisda, panggungubat, at pangangalaga sa hangin  
at tubigan;
2. Umaresto ng mga tao na lumabag, kasalukuyang lumalabag at  
may balak na gumawa ng labag sa nabanggit na mga batas na  
kanyang makikita; ito ay maaaring isagawa nang walang  
kasulatan sa pag-aresto at ayon sa nasasaad sa PD bilang  
704, 705 at PD 11;
3. Magkumpiska ng:
  - (a) mga kagamitan/sasakyan at tulad nito na ginamit sa  
paglabag sa nabanggit na mga batas/ alituntunin; at
  - (b) mga yamang gubat, dagat/tubig na kinuha at dinala ng  
mga lumabag sa mga batas/alituntunin na pinairal ng  
DENR.
4. Magbigay katunayan sa mga salaysay ukol sa mga opisyal na  
mga bagay na may kaugnayan sa mga tungkulin ng DENR; at
5. Kumuha ng mga pinangakuang salaysay o "sworn statement"  
sa mga opisyal na pagsisiyasat sa ilalim ng mga nabanggit  
na batas/alituntunin.

Sa lahat ng ito, ang hinihirang na "Deputized Environment and Natural Resources Officer" ay inaatasang isakatuparan ang mga sumusunod:

1. Dalhin lahat ng mga nakumpiska, kasama ang mga taong gumawa ng paglabag sa batas/alituntunin, sa loob ng itinakdang panahon ng batas;
2. Gumawa ng nararapat na hakbang upang ang kinakailangang panimulang pagsisiyasat ay maisagawa ng mga taong inatasan ng batas ;
3. Ipagbigay-alam sa hukuman ang lahat na mga mahahalagang impormasyon ukol sa mga nagawang hakbang sa pamamagitan ng RED/PENRO/CENRO, na nakakasakop sa kanya bilang "Deputized Environment and Natural Resources Officer"; at
4. Magpadala ng buwanang ulat sa RED sa pamamagitan ng nabanggit na CENRO/PENRO tungkol sa lahat ng mga kaso na kanyang nahawakan alinsunod sa kaatasang ito.

Ang paghirang na ito ay magkakabisa ngayong ika-13 ng Disyembre 1991 at hindi lalampas sa ika-30 ng Hunyo 1992.

Ang kaatasang ito ay maaaring mapawalang-bisa bago pa man sa itinakdang panahon batay sa mga batas/alituntunin na pinaairal ng Kagawaran ng Kalikasan at Likas na Kayamanan sa bagay na ito.



VICTOR O. RAMOS  
Undersecretary  
for Field Operations